



Azərbaycan Siyasi Quruluşlarının Əməkdaşlıq Platforması
Cooperation Platform of Azerbaijani Political Parties
بەئەرم ھەمکەری سەزەن ھەي سەاسی آذربایجان

دوئیا آنادیلی گونو ایله باغلی بیلدیری

بوگون دوئیا آنادیلی گونودور و داوام ائدیر گونئی آذربایجانین اؤزگورلوک ساواشی، داوام ائدیر وطنین آزادلیق موجدایله سی.

دوئیانین بیر چوخ اؤلکه سینده قئیده آلینیب قوتلانان گون، ایراندا قئیری فارس میللتلرین حاقلارینین آلینماسینی بیر داها خاطرلادیر. تورکلوگوموزه باغلی اولان بوتون وارلیقلارا قاداغا قویان ایران عیرقچی رژییمی، بو ایل ده آنادیلی گونو عرفه سینده تورک میللتینه اولان تضییقلرینی داوام ائدیپ باسغیلارینی آرتدیرماقدادیر.

آرتیق گونئی آذربایجاندا و ایران آدلانان اؤلکه ده تورک دیلینین یاساقلانماسیندان 96 ایل کئچیر و فارسچی لیغا قوللوق ائدن ایران موللا رژییمی هله ده پهلوی لرین آنتی تورک سیاستینی داوام ائدیپ، تورکلره و قئیری فارس میللتلره فارس دیلینی رسمی دیل کیمی دیکته ائدیر. میلیونلارلا تورک اوشاغی گونئی آذربایجاندا و ایران آدلانان اؤلکه نین اوخوللاریندا آنادیللرینی قیراغا قویوب زورلا فارس دیلینده ائیتیم آلماقدان دولای روحی ایشکنجه لره معروض قالیر، تحقیر اولونورلار. دؤلت اورقانلاری بیلهرکدن، آذربایجان تورکلرینی سس سیزجه اریدیپ، ایتیرمگه چالیشیر.

عیرقچی سیاستلرینی فرقلی آراجلارلا حایاتا کئچیرن ایران رژییمی، میلیلی فعاللار قارشى توتدوغو چیرکین توتوملارینی دا بوتون کئچهن ایللر کیمی داوام ائتدیرمکده دیر. تورک دیلینین مودافیعه چی لری حبس اولونوب، ایشکنجه یه معروض قالیپ آغیر حبس جزالاری آلیرلار.

آذربایجان سیاسی قورولوشلارینین امکداشلیق پلاتفورمو، ایران راسیست رژییمی نین قئیری فارس میللتلره اؤزل لیکه تورک میللتینه قارشى عیرقچی سیاستینی قیناییر، بوتون میللتیمیزی بو یولدا دیرنمه گه و گئنیش شکیلده موباریزه یه دعوت ائدیر.

کئچن 42 ایلین هر گونو کیمی، ایران رژییمی نین آذربایجان تورک فعاللارینا قارشى باسغی سی داوام ائدیر. بیز میلیلی فعاللار وئرلین آغیر حبس جزالارینی شیددتله قیناییر، توتساق میلیلی فعاللارین قئید شرطسیز آزادلیغینی طلب ائدیریک. میلیلی فعاللار وئرلین محکمه قرارلاری درحال لغو ائدیلمه لی، اونلاری ایشکنجه ائدیپ توتساق ساخلایانلار جزالاندیریلمالیدیرلار.

یاشاسین آذربایجان

یاشاسین تورک میللتی

آذربایجان سیاسی قورولوشلارینین امکداشلیق پلاتفورمو

آذوح - دیرینش - گادپ

21 فئورال 2021 – 3 اسفند 1399